

# Fundacion di famia Fuch's a reparti 32 mil Florin entre organisacionnan local

**ORANJESTAD** – Den 2010 atrobe e Fuchs Family Charity Foundation ta realisa donacion na varios organisacion activo den comunidad. Funda na december 1991 pa Sr. Adolf Fuchs, d.n.p., Fuch's Family Foundation ta ehecuta e deseo di e comerciante conoci di duna algo bek na comunidad di Aruba. Despues di su fayecimento, yiunan di Sr. Fuchs orguyosamente ta sigui duna aporte y ayudo na diferente organisacion den comunidad pa medio di donacion anual. Esaki ta bira e di 19 biaha cu ta reparti donacion y 13 ta e organisacionnan beneficia. Directiva di Fuchs Family Charity Foundation ta consisti di Sr.

Edwin Tromp como president; Sr. Angel Bermudez como tesorero; Sra. Yvonne Spellen como secretaria; Sr. Oscar Henriquez y Sr. Issio Gottfried como miembro. Lamentablemente pa fin di 2010, Sr. Oscar Henriquez no lo forma parti di e directiva ya cu el a dicidi di bay gosa mas di su pension. Sr. Edwin Tromp a gradici Sr. Henriquez, kende por cierto tabata den directiva di e fundacion for di su comienso. Un total di 13 organisacion a ricibi un donacion e aña aki y ta trata di Asistencia Social Brazil, Asistencia Social Dakota, Asistencia Social Oranjestad, Asistencia Social Sta. Theresita di Niño Hesus, Ambiente Feliz,

Israelistische Gemeenschap Beth Israel, Fundacion Funari, Fundacion Hende Muhe den Dificultad, Meals on Wheels, Fundacion pa Nos Muchanan, Stichting Reclashing & Kinderbescherming y Fundacion Respeta Mi. A reparti un total di 32 mil Florin. Fuchs Family Charity Foundation ta masha contento cu e aña aki atrobe por a yuda tur e organisacionnan menciona. Di e manera aki ta yama nan danki pa nan merito y labor cu ta duna na bienestar di comunidad. Entrega di check a tuma luga na restaurant Wong Sheung Wong dialuna ultimo sigui pa un brindis ameno.

